



Юмылан курымла
годсек йӧрышӧ
чыла святойлан
АКАФИСТ



**Юмылан курымла
годсек йöрышö
чыла святойлан
АКАФИСТ**



Йошкар-Ола
2013



*Йошкар-Оласе да Марий Элысе
Высокопреосвященнейший архиепископ Иоаннын
благословитлымыже почеш*



1-ше кондак

Юмылан йöрышö да чыла сенгыше, курымла годсек уло тўняште волгалтше да Пылпомышто чап венецым налше святой-влаклан моктымо мурым мурена. Те Юмо деке лишемын да йодын кертыда, мемнам тўрлö ойго деч утарыза, да тыланда моктен мурена: Юмым уло тўня верч шокшын сөрвалыше святой-влак, куаныза.

1-ше икос

Кугешныше ангел-влакын сўмырлен волымышт деч вара суксо-влакын погынышт иземын да ынде святой ен-влак дене угыч темеш. Святой-влакым шарныме кечым суксо-влак волгыдын пайремлат да уло тўням духовный куаныш ўжыт. Нунын семынак тыланда куанен ойлена: курымла деч ончычак Юмын ужмо да пылпомышысо чаплан ямдылыме святой-влак, куаныза; чыла тукум, вер да жап деч Господьлан служитлаш ойырен налме-влак, куаныза.

Тендам ойырен налмым шкендам чаманыде поро чап дене сулышо-влак, куаныза; поро пашада дене мыланна Пылпомышко корным ончыктышо-влак, куаныза. Юмын законом возымо деч ончычак яндар чонын йодмыж почеш чын илыше-влак, куаныза; шке илышдам закон леведыш йымалне илен эртарыше-влак, куаныза. У порылыкышто поро пашада дене волгалтше-влак, куаныза; тиде пытартыш жапыште Юмылан порын йöрышö да тунгалтыште улшо-влак дене пырля акым налше-влак, куаныза. Мландымбалысе ойго деч пылпомышысо ласкалыкыш вончышо-влак, куаныза; Юмын каласен мошташ лийдыме чапшым ужаш йöрышö-влак, куаныза. Капдыме шүлыш-влакын погынышт дене пырля Эн Святой Троицым чарныде моктышо-влак, куаныза; тендам пагалыше чыла ен верч Юмым эреак сөрвалыше-влак, куаныза. Юмым уло туня верч шокшын сөрвалыше святой-влак, куаныза.

2-шо кондак

Христосын православный Черкыже шкенжым райысе пеледыш семын шуко святойын погынжо дене сöрастарымым ужеш да нунын нерген волгыдын да пагален шарна, Юмын Эн Яндар Аважым да Тудын деч шочшо Христос Юмым

чапландара, Тудлан моктымо мурым мура. Ал-
лилуиа.

2-шо икос

Юмылан йӧрышӧ святой-влак, мемнан уш-
нам сотемдараш Господь деч йодса, да ме,
мландымбалысе кумыл шупшмаш деч корангын,
тыланда пуымо да мыланна сӧрымӧ райысе
илыме верыш шӱмна да шонымашна дене
нӧлталтына да тыланда куанен каласена: Тош-
то Сугынь годсо кугезе ачана ден патриарх-
влак, чон да кап шот дене Юмын Эрге Хрис-
тосын тукымжын тӱнгалтышыже-влак, куаныза;
Юмын суапландарымыж дене тендан тукымда
кавасе шӱдыр наре шукеммылан куаныза. Чын
Юмылан ӱшанымашым акрет годсо шотдымо
пычкемыш жапыштат арален кодышо-влак, ку-
аныза; сӧрымӧ Утарышым ӱшанен вучышо-
влак, куаныза. Тендан тулйолкын деч Эн Вол-
гыдо сорта — Юмым Шочыктышо Мария —
волгалтын, тидлан куаныза; колымашым да та-
мыкым Сенгышын Тудын деч шочмыжлан куа-
ныза. Христосын толмыжлан ӱшаныме дене
шкаланда утарымашым мушо-влак, куаныза;
тидын дене ожнысо шудалмаш олмеш поро су-
гыным налше-влак, куаныза. Тамыкыште ул-
мыда годымат Христосын толмыжым вучышо-

влак, куаныза; тамыкысе орлык деч Тудын утарымыжлан куаныза. Пылпомышко чап дене нөлталме-влак, куаныза; суксо-влакын погыньшт дене пырля Пылпомышысо Ачан илыме верышкыже пуртымо-влак, куаныза. Юмым уло тўня верч шокшын сөрвалыше святой-влак, куаныза.

3-шо кондак

Кўшылсын вийже дене авалтыме святой-влак, кава йымалысе тўнгалтыш ден власть-шамычын шыдышт ваштареш лўдде шогенда. Нунын осал чоялыкыштым сенген, шкендан чыла поро тўнгалмыдам порын шуктенда. Эн виян да айдемым йоратыше Юмылан мурыза: Аллилуиа.

3-шо икос

Тендан, святой пророк-влакын, чапле илыме верда Пылпомышысо Ачан пўртыштыжў, а шкеже Юмын чурийжын эре улшо волгыдыж дене волгалтыда да чыла святой-влак дене пырля каласен мошташ лийдыме поро пиал дене темыда. Ме, мландымбалне илыше да тиде поро пиалым ужаш шонышо-влак, тыланда тыге мурина: шочмыда деч ончычак Юмын ойырен налме пророк-влак, куаныза; Христосын мландымбаке толмыж деч ончычак Тудлан ўшанлын

тыршыше-влак, куаныза. Святой Шүлышын порылыкшо дене изи годымак святитлыме-влак, куаныза; Израильын йомшо эргыж-влакым туныкташ Господь деч колтымо-влак, куаныза. Христосын чап дене Ёдыр деч шочшашыжым ончылгоч увертарыше-влак, куаныза; чын Кечын толшашыжым шижтарыше шүдыр-влак, куаныза. Израиль кугыжа-шамычын законом пудыртымыштым лүдде почын ойлышо-влак, куаныза; еҥ-влакын чыла шотдымылыкыштым Юмын мутын кердыж дене чаманыде руышо-влак, куаныза. Господын уло кумылжым шуктышо ўшанле кулжо-влак, куаныза; төра-влак ончылно чыным лүдде ойлышо-влак, куаныза. Тиде тўняште шуко ойгым чытыше-влак, куаныза. Чыла ойырен налме-влак дене пырля Пылпомышысо курымашлык чапыште пайремлыше-влак, куаныза. Юмым уло тўня верч шокшын сөрвалыше святой-влак, куаныза.

4-ше кондак

Чыла святой-влак, илышын тўтанже деч утлен, пылпомышысо ласкалыкыш, саскан да юалге верыш, вонченда, тушто каласен мошташ лийдыме тамле йогын, Юмын чапын пытыдыме да яндар кочкышыжо, муро да пайремлыше-влакын йўкышт; тушто те чыла суксын

вийже дене пырля чот йывыртеда да Юмылан муредат: Аллилуиа.

4-ше икос

Святой апостол-влак, кызытсе куанымашдам шинча ужын огыл, пылыш колын огыл да мландымбалысе айдемын шүмышкыжӧ тыгай куан ден сайлык пурен огыл. Сандене тыланда чот пагален ойлена: Иоанн Предтеча дене пырля Христосын лишыл йолташыже улшо святой апостол-влак, куаныза; Эн Святой Ёдыр Мария деч вара Святой Троицын Престолжо воктене эн лишне шогышо-влак, куаныза. Мемнам тӱлен налме таинством тӱнжалан увертарыше-влак, куаныза; пычкемыште улшо еҥ-влакым Христослан ушанымашын волгыдыж дене волгалтарыше-влак, куаныза. Юмын шомакын нӧшмыжым айдеме шүмыш удышӧ-влак, куаныза; шке пашадан саскажым пылпомышысо садьште погышо-влак, куаныза. Православный веран чынжым Тӱнжамбалысе шым Соборышто пенгыдемдыше святой ача-влак, куаныза; еретик шотдымылыкын тӱтанжым лыпландарыше-влак, куаныза. Православный веран туныктымжым мыланна умылтарыше-влак, куаныза; шкендан туныктымда дене Христосын Черкыжым таче мартеат йонгылыш туныктымаш да шелалтмаш деч ара-

лыше-влак, куаныза. Илыш да мут дене волгы-
дын волгалтше святой иерарх-влак, куаныза;
кызыт шке духовный шочшыда-влак дене пыр-
ля кас огыл волгыдышто илыше-влак, куаныза.
Юмым уло тўня верч шокшын сөрвалыше свя-
той-влак, куаныза.

5-ше кондак

Утарыше Юмо, Тыйын капетын вўржō дене
тўлен налме да мландымбалне Тыланет ўшан-
лын служитлыше чыла святой-влак кызыт чер-
ке каваште эн волгыдо шўдыр гае волгалтыт да
мемнам, тиде илышын алгаштарыше тенгызыш-
тыже ийын коштшо-влакым, Пылпомышысо
Ачанан элышкыже нангайыше чын корныш
виктарат; таум ыштыме куан дене тидын нер-
ген Юмылан мурена: Аллилуиа.

5-ше икос

Святой мученик-влак, тиде тўняште чы-
лажат так арам да шўйын пытышашлык ул-
мым ужында да курым деч ончычак улшо
Юмылан йōраш тыршенда, шучко орланда-
рымашым чытыме дене те шўйын пытышаш-
лыкым шўйын пыташ лийдымылан ваштал-
тенда, садлан Чыла Кучышын лўдыкшō

Престолжо воктене курымашлык чапыште шогаш йӧрышӧ лийында, тендам пагален шарныше-влакым тушто ида мондо, да тыланда тыге мурена: орландарымашым чытыше да Христослан чын ӱшанымашдам шке вӱрда дене пенгыдемдыше святой-влак, куаныза; капым пуштын кертше, а чоным пуштын кертдымешамыч деч лӱддымӧ-влак, куаныза. Пеш кугу орландарымашым чытыше-влак, куаныза; Христосын орланымажым шкеат чытен лекше-влак, куаныза. Шучко орландарыше-влакын кугу шыдыштым сенгыше-влак, куаныза; тул ден вӱд вошт эртыше да курымашлык ласкалыкыш пурышо-влак, куаныза. Юмылан йӧрышын илыме да святой юмога-влакым жаплыме верч орланыше исповедник ден священномученик-влак, куаныза; молитва лудмо годом Юмо дене мутланыше да орланыме дене диаволым сенгыше преподобномученик-влак, куаныза. Пылпомышысо Кугыжан чапше верч лӱддымын кредалше-влак, куаныза; Пылпомышто Христос деч сенгымаш чапым налше-влак, куаныза. Господь деч кугу порылыкым налше-влак, куаныза; Юмын чапше верч мландымбалне шуко тӱрлӧ чудым ыштыше-влак, куаныза. Юмым уло тӱня верч шокшын сӧрвалыше святой-влак, куаныза.

6-шо кондак

Чыла святой-влак, тендан чапда нерген христиан тукым-влак туныктен ойлат; те Черке покшелне верланыше рай гай улыда, илыш пушенгыже тушто Господь, Тудын деч райын шерыжым тамлымек, тиде илышыште вашке пытышаш деч корангын улыда, йывыртен, пылпомышысо сadyш мурен пуренда: Аллилуиа.

6-шо икос

Преподобный ача-влакын чын ўшанымышышт да поро пашашт уло тўнялан кече гай волгалтыт да мыланна тиде илышын пычкемыш корныжым волгалтарат, тыге ме сулыкын ир мландешыже да чоным пытарыше шояк туныктымашеш она йом. Сандене тыланда моктен мурена: Юмым йоратыме верч тўням да тўняште мо улшым шке кумылын кодышо преподобный ача-влак, куаныза; мландымбалысе илышдам йўдшо-кечыже чыла чытен эртарыше преподобный ава-влак, куаныза. Янлык-влак дене пырля мланде рожышто да курык помышышто шкет илыше-влак, куаныза; тиде кўчык ўмырым пўтым кучен, шужен да йўмө шуын илыше-влак, куаныза. Пылпомышысо Кугыжаныш верч кўменге ўмбалне йўштым да шокшым чытен илы-

ше-влак, куаныза; шүмын шыпыштыже Юмым кычалше да ең деч петырналт илыше-влак, куаныза. Нарашталыкым арален кодышо да Христос почеш, яндар Пача почеш, кайыше яндар үдыр-влак, куаныза; Христосын үнгышылыкшым сулен налше да мут колыштын илыше-влак, куаныза. Пырля илымаште иза-шольо йөратымаш дене суксо семын илыше-влак, куаныза; монах-влакын кугу ушан да үнгышö туныктышышт, куаныза. Пашам йөратыше да порылыкышто күкшытыш шушо-влак, куаныза; Господын ласкалыкышкыже пурышо-влак, куаныза. Юмым уло туня верч шокшын сөрвалыше святой-влак, куаныза.

7-ше кондак

Юмылан порын йöраш шонышо-влак арам огыл тыршат, нунылан Пылпомыш Кугыжаныште кугу пöлек ямдылыме манын, Чот Поро Господь тунялан ончыктен да мландымбалне Тудын лүмеш түрлын тыршыше Шке святой угодникше-шамычын погынжым чапландарен; меат нунын семынак илаш кумылнам пыште-на, тыгаяк курымашлык чапым вучена да Тудлан мурена: Аллилуиа.

7-ше икос

«Мыланем үшаныше ең кола гынат, илыше лиеш», — манын Господь. Ашныше Юмын тиде шомакше тыланда, чыла святой-влаклан, лачеш толеш; те мландымбалне капда дене коланда гынат, күшыл илемыште чонда дене эре илыше улыда, тўняште шуко да каласен мошташ лийдыме чудым ыштеда, Юмым шокшын сөрвалымыда дене мыланна полшеда, сандене тыланда тыге ойлена: күшылсым шонышо ушда дене чын Юмым палыше-влак, куаныза; Святой Троицылан чын үшанымашдам яндарын арален кодышо-влак, куаныза. Юмын Эргыже Христосым, чын Юмым да чынжымак Айдемым чапландарыше-влак, куаныза; Тудын орланымыже утарыше улмылан пенгыдын үшаныше-влак, куаныза. Чын үшанымашда дене шўдыр гай волгалтше-влак, куаныза; чын илымыда дене финик пушенге гай пеледше-влак, куаныза. Капда дене мландымбалне, а ушда дене Пылпомышто илыше-влак, куаныза; жаплан колымо дене мучашдыме илышыш вончышо-влак, куаныза. Поро Увер күштымө семын шыгыр корно дене кайыше-влак, куаныза; аңгысыр капка дене Пылпомыш Кугыжанышыш пурышо-влак, куаныза. Курымашлык порылыкым налше-влак, куаныза; мемнан утаралтшаш

верч Юмым шокшын сөрвалыше-влак, куаныза.
Юмым уло тўня верч шокшын сөрвалыше свя-
той-влак, куаныза.

8-ше кондак

Ме, мландымбалне илыше да кап-чон дене
нелемше-влак, чыла святой-влакын мландым-
балысе паша деч вара каныме кўшыл элыштым
уш-акылнан ончалтышыж дене ужаш тыршена гы-
нат, тушто улшо поро пиалым умылен она керт,
ўшанымаш гоч тидым умылаш тыршен, шўмна
дене шижына да Шке святойжо-влак дене öрык-
тарыше Юмылан мурена: Аллилуиа.

8-ше икос

Чыла шўдырын чотыштым пален, нунылан
лўмым пуышо Господь, Тыланет йöрышö-вла-
кым лўмышт дене Тый веле палет. А ме, Тыйын
кидет дене ыштыме-влак, теҥыз ошмам шотлен
кертдыме семын, чыла святой-влакын лўмыш-
тым каласенат она керт, тўня тўнгалтыш гыч Ты-
ланет порын йöрышö Тыйын ойыртемалтше южо
кулетым веле палена да каласена: уло айдеме ту-
кымын кугезыже Адам ден Ева, куаныза; тўняште
эн ончыч порын илаш тыршыше Авель ден Сиф,
куаныза. Айдеме тукымым кокымшо гана тўнгал-

ше Ной ден Юмын сугыньжым налше Авраам, куаныза; Юмым ужшо Моисей ден Тошто Сугынь годсо икымше священник Аарон, куаныза. Кап дене колымашым ужде Пылпомышко нӧлталме Енох ден Илия, куаныза; Чыла Кучышо Юмын тайныжым ужшо Исаия, Давид да Даниил, куаныза. Мария лӱман Ёдырым, мемнан Христос Юмынан Аважым, шочыктышо Иоаким ден Анна, куаныза; Христосын ойырен налме апостолжо Петр, Павел, Иаков да Иоанн, куаныза. Христосын Черкыжын пенгыде кӱ менгыже Николай, Василий, Григорий, Иоанн да Афанасий, куаныза; монах-влакын кугу туныктышышт Антоний, Пахомий, Евфимий, Иларион да Савва, куаныза. Христосын чот чытыше мученикышт Георгий, Димитрий, Евстратий да Пантелеимон, куаныза; ӱшанымашын сенгымашыжым шке вӱрда дене чапландарыше Варвара, Ирина, Параскева, Екатерина да чыла орланыше-влак, куаныза. Юмым уло тӱня верч шокшын сӧрвалыше святой-влак, куаныза.

9-ше кондак

Господь, Тыйын чыла святоет-влак Пылпомышто суксо-влакын чинышт семынак «Святой, Святой, Святой улат Тый, Юмо», — манын, Тыйын Эн Святой лӱметым чарныде моктат.

Нунын дене пырля меат, сулыкан-шамыч,
йӧрдымӧ умшана дене ойлена: Аллилуиа.

9-ше икос

Мастарын ойлен моштышо еҥ-влакат кала-сен огыт керт: кузе тендам, чыла святой-влакым, мемнан гаяк кумыл шупшман айдеме-шамычым, алгаштарымаш сенген огыл, а те шке лӱддымылыкда дене капдыме тушман-шамычым сененда? Тендам пенгыдемдыше Господьым чапландарена, патырлыкдам моктена да поро кумылын ойлена: уло чонда дене Господьым йӧратыше святой-влак, куаныза; Тудын йӧратымыжлан верч шке илышдам чаманыдыме-влак, куаныза. Тӱням да тӱням кучышым сенгыше-влак, куаныза; акрет годсо кишкын чыла вапш-сеткыжым энгыремышвот гай кӱрыштшӧ-влак, куаныза. Юмын поро Пӱрымашыже пенгыдын виктарыме почеш ӱнгышын кайыше-влак, куаныза; шке эрыкдам Пылпомышысо Ачан эрыкшылан пуышо-влак, куаныза. Шке чонда да капда дене Господьым чапландарыше-влак, куаныза; чыла пашада дене Тудым чапландарыше-влак, куаныза. Шке киддам поро пашашке виктарыше-влак, куаныза; йолдам чын корныш виктарыше-влак, куаныза. Шке шӱмдам мландымбалысе поянлык да ракатланыме деч корангыше-влак, куаныза.

Пылпомышысо порылык да курымашлык йы-
выртымаш нерген эре шонышо-влак, куаныза.
Юмым уло тўня верч шокшын сөрвалыше свя-
той-влак, куаныза.

10-шо кондак

Утаралтмаш корно дене төр кайыше да Юмын
чын корныжлан тунемше чыла святой-влак, те
памаш йогын воктеке шындыме поро саскан
пушенге гай лийында да поро саскам шке жа-
пыштыже Юмылан конденда. Те кызыт күшыл
Эдемыште каласен мошташ лийдыме поро пиал
дене чондам кандареда, тушто мемнамат, шке
шочшыда-влакым, шарналтыза, да мемнан ута-
ралтмаш верч ача семын тыршымыдам моктена
да Юмылан мурена: Аллилуиа.

10-шо икос

Чыла святой-влак, мыланна те тушманын чу-
рийже ваштареш пенгыде пырдыж да чыла хри-
стиан тукым верч шокшын сөрвалыше улыда.
Ужаш лийдыме тушманын пикш умдыж деч эре
тендан полшымо дене аралалтына да куанен ка-
ласена: айдеме тукымым чот сөрастарыше-
влак, куаныза; мландымбалне илымына годым
мыланна йывыртымашым да лыпланымашым

кондышо-влак, куаныза. Мемнан утаралтмашын тушманже-влак ваштареш кредалмына годым виян полшышына-влак, куаныза; Юмын шыдыжын кердыж деч мемнам сөрвален аралыше-влак, куаныза. Теат алгаштарыме лийында, сандене алгаштаралтмына годым мыланна полшышо-влак, куаныза; сулыкна верч öкынымыланна чот йывыртыше-влак, куаныза. Мландын түрлө верлаштыже чыла жапыштат чын илыше-влак, куаныза; сулыкым ыштенда гынат, сулыкын лавыражым чын öкынымаш да шинчавүд дене мушшо-влак, куаныза. Адам деч тунгалын кызыт мартеат курымаш илышлан үшанен колышо-влак, куаныза; Эрвел ден Касвел гыч толшо да Авраам йыр лыпланыше-влак, куаныза. Тендан погында мландымбач угыч толшо-влак дене шукеммылан куаныза; суксо-влакын погынышт гыч камвочшо шүлыш-шамычын верышт тендан дене ешаралт шогымылан куаныза. Юмым уло туня верч шокшын сөрвалыше святой-влак, куаныза.

11-ше кондак

Чыла святой-влак, тендам моктымо мурына шотлен пытарыдыме лийыт ыле гынат, чыла поро пашадам чапландарен огыт керт ыле, сандене мыланна, куатдыме-влаклан, шып лияш сайрак;

но Юмо деч тыланда көра налме чаманымаш да порылык верч таум ыштен моштыдымо да його лияш огыл манын, тендам чапландарыше Ашныше Юмылан мурена: Аллилуиа.

11-ше икос

Чыла святой-влак, Эн Святой Троицын Престолжо воктене кас огыл волгыдын волгалтарышыже улыда, суксо-влакын чинышт дене пырля эре мемнан верч сөрвален йӱледа да утарымашын волгыдо корнышкыжо тыланда тыге ойлышо-влакым виктареда: пылпомышысо тулын волгалтарышыже-влак, куаныза; Пылпомышысо Ачан пӱртыштыжӧ илыше-влак, куаныза. Христосын виноград орлангыже-влак, куаныза; райын тамле пушан пеледышыже-влак, куаныза. Мемнан духовный йӱмӧ шумашнам темыше илыше вӱдан энгер-влак, куаныза; алгаштарымашын когартыше шокшыж деч аралыше йӱрым кондышо пыл-влак, куаныза. Шӱлыкын йӱштыжым мемнан шӱмна деч поктен колтышо духовный юж толкын-влак, куаныза; курымашлык поро пиалын шошыжым увертарыше мурым ныжылгын мурышо-влак, куаныза. Мемнам Пылпомышко нӱлтышӧ уш-акыл курык-влак, куаныза; ушан Кечын чаманымашыжым мемнан ӱмбак колтышо йолваже-влак, куаныза. Сулы-

кын келгытышкыже волен кайыме деч мемнам аралыше поро виктарыше-влак, куаныза; Пыл-помышысо Ачанан элышкыже ўшанлын вўден нангайыше-влак, куаныза. Юмым уло тўня верч шокшын сўрвалыше святой-влак, куаныза.

12-шо кондак

О, святой-влак! Шуко поро пашада верч ты-ланда Юмын пуымо порылыкым мландымбалне шочшо-влак кокла гыч кў каласен кертеш? Теныз вўдым ик чўчалтыш дене кышкен пытараш лийдыме самынак, тендан чудым ыштымыдам да мыланна пуымо порылыкдам шотлен лукташ ок лий, сандене чапле пайремдам куанен пайремлена да чылажымат тендан гоч ыштыше Господьлан ойлена: Аллилуиа.

12-шо икос

Чыла Кучышо да Ашныше Юмо, Тыйын эн святой лўметым моктен мурена, вет тўня тўнгалтыш гыч чыла жапыштат Тыланет Иктылан, Троицыште моктымо Юмылан, йўрышў да эре шарныме Тыйын святоет-влакым ончыктенат да тыге ойлышо-влакым нунын кумалмышт дене чыла осал деч утарет: Юмылан йўрышў святой-влак, чыла чонан-влак кокла гыч Эн Святой да

эреак Ёдыр улшо Мария дене пырля куаныза; айдеме тукымым аралыше капдыме суксо-влак, теат куаныза. Мландымбалне порын кугыжаланыше да Пылпомышысо Кугыжанышлан йёрышо святой кугыжа ден князь-влак, куаныза; олам порын вуйлатыше да Пылпомышысо олаште илаш йёрышö-влак, куаныза. Мландымбалне чын тёрлышö да Пылпомышысо Судьян чыныш лукмыжым да чаманымыжым налше судья-влак, куаныза. Мутланыше пача-шамычын поро күтүчышт, күтүчö-влакын Христос Озашт деч моктымо да чапландарыме-влак, куаныза. Яндар шүм дене да йөратен, Мланде пашам сырымаш деч посна, тыршен ыштыме дене Юмылан йёрышö-влак, куаныза; вер гыч верыш чыла чытен коштшо да Пылпомышысо Ачан элышкыже миен шушо-влак, куаныза. Христос верч вурсымым да мыскылымым чытыше юродивый-влак, куаныза; черле-влаклан пареммашым акым налде пуымылан Пылпомышто акым налше-влак, куаныза. Түрлө ийготан да түрлө чинан Юмылан йёрышö пөръен ден ёдырамаш-влак, те Господь дене чылан пырля улмылан да тендан чонда Юмын кидыште улмылан куаныза; толшаш курымышто чонда дене пырля капдат курымышлык чаплан йёрышö лиймылан куаныза. Юмым уло тўня верч шокшын сёрвалыше святой-влак, куаныза.

13-шо кондак

О, чыла святой-влак, Юмылан йӧрышӧ да поро пиалан-влак, курымашлык порылыкым налше-влак! Мемнан тиде моктымо мурынам налза да Юмылан йӧрышӧ сӧрвалымыда дене мыланна сулык касарымашым да курымашлык орлык деч утаралтмашым йодса, да Пылпомышысо Кугыжаныште меат тендан дене пырля Юмылан мурена ыле: Аллилуиа.

Тиде кондак 3 гана лудалтеш. Вара — 1-ше икос «Кугешныше ангел-влакын...» да 1-ше кондак «Юмылан йӧрышӧ...».

Молитва

О, чыла святой-влак, Юмылан йӧрышӧ да эн пиалан-влак, Эн Святой Троицын Престолжо ончылно шогедат да каласен мошташ лийдыме пиал дене темында! Теве таче, тендан пырля погынен пайремлыме кечын, мемнан үмбакач, тендан шольыда-влак үмбакач, чаманен ончалза. Ме тыланда тиде моктымо мурым мурена да тендан полшымыда дене Эн Поро Господь деч чаманымашым да сулык касарымашым йодына: мом те Юмо деч йоднеда, чыла йодын кертыда манын, ме палена, чынак палена. Сандене тендам үнгышын йодына: Юмын святой шудыма-

шыжым тендан семынак шукташ тыршыше
шўлышым мыланнат пуыжо манын, Чаманыше
Ашныше Юмым сөрвалыза. Тендан почеш каен,
мландымбалысе корнынам язык деч посна да шот
дене илен лектына ыле, сулыкым касарен, рай-
ысе чапле илыме верыш шуына да тушто тендан
дене пырля Ачам, Эргым, Святой Шўлышым
курым-курымеш моктена ыле. Аминь.



**Юмылан курымла годсек йöрышö
чыла святойлан акафист**

Акафист всем святым

На марийском (луговом) языке

Подписано к печати 08.11.2013. Формат 60x90/16.
Бумага офсетная. Гарнитура «Magi-Times ET». Печать офсетная.
Тираж 1000 экз. Заказ .

Отпечатано в типографии